



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 14. Quænam sunt pœnæ duelli?

urn:nbn:de:hbz:466:1-40993

vis vi repellitur cum debita moderatione. Præterea ipsa acceptatio est etiam aggressio, nam qui acceptat, vult aggredi adversarium, & in ipsum invadit.

Q. 14. Quænam sunt pœnæ duelli?

Resp. Conc. Trident. sess. 25. c. 19. ipso factō excommunicat 1. Principes, ac Dominos temporales, qui in suis terris locum aliquem ad ejusmodi pugnam concesserint. 2. Suasores & spectatores duelli. 3. Ipsos pugnantes, & qui eorum patrini vocantur cum proscriptione bonorum, perpetua infamia, & pœnis homicidarum; & si in conflitu decesserint, privatione Ecclesiasticæ sepulturæ. Greg. vero XIII. constit. 73. & Clemens VIII. Constit. *Illi*us vices, pœnas illas extenderunt ad duella privata, seu non solemnia, hoc est, in loco non tuto, nec publicè commissa, & absque patrinis sociisve; imò ad provocantem, & acceptantem, etiam si pugnam ob aliquid impedimentum non commiserint, si ad locum accesserint pugnaturi, & per eos non steterit, quominus pugnarent. Item Clemens VIII. hanc excommunicationem Papæ reservavit, & hanc cum aliis pœnis supradictis extendit etiam ad suadentes, vel provocantes, ad spectatores, ad scribentes, mittentes, ac divulgantes chartulas provocatorias, eorumque fautores, & complices, ad eos, qui ad duellum arma, equos, commeatus, vel con-

Q. 5

filium,

filium, auxilium præbuerint, vel præberi evaverint quocumque modo, etiamsi pugna non fuerit secuta; atque etiam ad eos, qui percusunt de dirimendo certamine, cum pri-
mum alteruter vulneratus fuerit, seu sanguinem effuderit, aut certus ieiunii numerus utriusque illatus fuerit.

Observa 1. Duvallius asserit has constitutions, quamvis in Gallia promulgatae non sint, tamen esse usū receptas, eō quod committentes duella particularia puniantur excommunicatione, & privatione sepultura Ecclesiasticæ. Alii dicunt Episcopos Galliæ specialiter excommunicationem duello sibi reservatam annexuisse. Certe certus multorum Archiepiscoporum, & Episcoporum Parisiis. an. 1654. congregatorum excommunicationem ipso facto tulit, & Episcopo reservavit contra duellum privatum ineuntes, & contra provocantes, voces, vel chartas provocatorias ferentes, & alios eas acceptantes, quamvis pugna non sit secuta, modo per eos non steterit, quominus pugnarent.

2. nomine spectatorum juxta multos non intelliguntur casu, & obiter aspicientes duelum, qui illac fortuitò transibant, sed qui illud spectant ex composto, ut fert Bulla Gregor. & de industria, ut Clemens loquitur.

3. Licet quævis pugna cum vitæ periculo voluntariè suscepta privatâ authoritate, sit iure naturali illicita, cum nusquam liceat privatis

sis vitam hominis destruere, vel illius destruendæ periculo se exponere, nisi ad necessariam vitæ defensionem; tamen ad contrahendam excommunicationem illam, juxtamultos, requiritur pugna ex pacto invicem inito, uno scilicet indicente, & altero acceptante, cum designatione loci, ac temporis. Quia Greg. expreſſè dicit ex condicto, statuto tempore, & in loco convento; & Clemens ex compoſito: unde si duo subitò in iram, vel rixam versi gladios extrahant, & ibi pugnant, licet pugcent mortaliter, non tamen hanc excommunicationem contrahunt, quia haec pugna non est ex condicto, seu ex compoſito, sive pacto pugnandi, sed est ipsam etrisa.

4. Qui moritur in confictu, privatur sepultura iacrá. Si tamen duellum, non fuerit notorium, Barbosa monet, tunc Parochum debere rem ad Ordinarium deferre; quia publicæ penæ solùm publicis criminibus, & auctoritate publica sunt infligendæ.

5. Juxta multos, qui alterum in duello utrique voluntario occidit, non tenetur ipsi nec ejus heredibus ad restitutionem: quia, inquit, occisus in pugnam lethalem consentiendo, censetur sponte in mortem consentire, atdeoque in damna mortem consequentia, & concedere alteri facultatem contra se agendi quod potest; item provocatus si provocanti occidat, nil tenetur restituere, quia provocans invitat alium ad sui occisionem, si for-

tè Superior sit, & sic implicitè consentit in omnia damna inde secutura: scienti autem, & sponte consentienti non fit injuria. Nihilominus videtur teneri restituere damna creditoribus inde obvenientia, & alere uxorem, ac liberos occisi, si indigeant, & occisus eos alebat ex suo quæstu: nam hic non potest validè condonare jus alienum. Constat autem provocantem teneri ad restitutionem, si provocatus occidatur, & involuntariè pugnārit, & solum ad vim repellendam, quia provocans est tunc aggressor injustus, nec aggressori injusto sponte condonatur restitutio. Porro provocatus, qui voluntariè, & ex conducto descendit in pugnam, censetur, & est aggressor, cum nullam vim patiatur, & revera provocantem etiam aggreditur, nec purè se defendit.

Q. 15. *Quid tenetur homicida, vel mutilator restituere?*

Resp. I. Ex communi læsor tenetur solvere integras expensas factas in curationem læsi, & compensare omne lucrum cessans, & omnia damna realia ex homicidio, mutilatione, vel læsione secuta, L. ult. ff. *de his qui effud.* quia injusta sua actione fuit causa efficax talium damnorum, & cessationis lucri: sed qui est causa damni per injuriam, tenetur ad restitutionem, c. ult. *de injur.* Omnia autem damna realia, & lucrum cessans restitui debent hæ redibus